

巴陵縣志岳陽樓集上編 詞賦

明

侯啟忠

四川長甯人

登岳陽樓賦

南征事既窈窕而徂秋仲之月曉曙紛敷冰壺蕭蕭玉路斯濡
凭南軒而俯眺開北牖以長嘯蕩蕩九區瀾瀾萬廬此境得手
勝槩而今登臨可千萬古之不負吾也况夫涉以洞庭攬之雲
夢襟帶沅湘肘腋淮瀨辰漱逶迤而來漢沔縈紆以綢繡冢蒼
梧逾扼遠控巴峽悠悠衡廬倥傯枕鸚鵡散花之洲瞰桃源飛
雲之洞交廣揚浙荆蛟翥鳳汜有鼉鼉泚含螭煉四溟波影颺
巴陵縣志 卷之七十七 岳陽樓集上編 賦一

其梁八荒風息嘯其棟懷澤二十四峯武攸七十二閣雲物烟
花之納貢也極天窮海名樓巨榭豈復有伯仲者哉於是高歌
激商形骸聊浪解我金貂典我褰裳載陳俎豆慨視逝者如斯
覓地軸探天維披鮮飈迎涼曦温清涼療調飢于藟于蕘載詢
載咨誰莞而歡誰毀而悲况復蒹葭蘆葦蓄潤含滋杜若溇溇
蘭蓀未衰菱荷葉盡其實維時於戲匪食無魚匪裳無衣清揚
婉變歲暮而遲弛于威儀飫彼芳菲豈其無意於民物休戚與
世相違也耶斯乃盼虞駕悲湘娥黃陵有廟泣於江沱招招漁
父弔彼懷沙達以九辯呼之九歌琴瑟簫鼓哀樂如何南浦美
人乘鸞相過王孫何爲萋萋薜蘿不知滄海之復銀河也斯時

也鑿微歛之弗經省繩墨之不知荒僻之民弗道其所疆場弗
修亦弗絺紵吾人若文而斐若桓而武其馘既獲釋其餘虜示
以不奴遷次其序邇既完我師旅聞遠者亦將散其所聚蓋不
事乎舍如破之矢擊其鏜之鼓而稷菽禾黍鐘磬柷敔實吾皇
德威之既溥也載泛琳觴載舞鷺羽思周古今日縱寰宇清支
曲流或滙其滸崇岡峭壁或迂於伫雖蓬萊之不浮而弱流之
有嶼不過髣髴之如許夫美之不窮超乎物外曷儷此樓之名
孰配此湖之大大坤自爲容神工不能繪而吾胸襟滌其塵壒
也若其不介蒂也至於如跂而翰如鷺之搏如樹藥藥如螭之
盤節梲麗以緋翠汗漫絢其琅玕萬瓦盈而不瀉八窓清以閑
巴陵縣志 卷之七十七 岳陽樓集上編 賦二

閑怒貌閒以渴驥銀榜磊磊而刊丹梯霄漢之上虛簷霧靄之
閒扶桑蠶繭籍爲絲紈以護漉漉以臥而安芝草石髓麒麟文
鷓自采采於玄圃耽飽德於盤飧排天關叫帝閭星斯爛月斯
弦燈火繁市井誼或鄰哭或野言或棲息或驅奔或岑寂或盤
桓或柴扉或瓊門吾獨悲彼顛連粒不餐衣不完意羣動既歇
搖落莫莫豈無好音遲彼懷客且圖其來罔諫其昔人情波瀾
世事棋奕不曰式微甯不傷悲興緒未邁二鼓移時歸與歸與
浩浩莫追

田汝耕

河南祥符人

岳陽樓賦

是辛巳之冬巡歷茲方撫時卽事而有作也值此明盛又奚爲云云然區區康樂私憂過計若不得已而爲之辭至於發憤介行立身以效法古人亦將孜孜爲善惟日不足者乎

嗟余生之不若人兮夫何離羣而索居志徜徉而莫羈兮耽憑高而御虛夙總角正一統兮潛河梁派衡廬中弱冠以登庸兮觀國光而民據素菲薄而寡謀兮從拾遺之上書步廊廟於逍遙兮思江湖之容與歷晉陽以攬轡兮復荆南而投車循鄂渚以按節兮指巴陵而揚旛衷懷其弗可解兮假日陟乎岳陽冬融融以如熏兮景翩翩而就長躡丹梯之迤邐兮石磴凌嶒乎相望刻文桂以爲榱兮斲木蘭以爲梁和瑤屑以次簋兮塗石

巴陵縣志

卷之七十七

岳陽樓集上編

賦

三

指夫雕牆疏綺軒之珍瓏兮排繡扉乎輝煌控金璧之崆峒兮羅山藻之斐章吾不知人聞斯所兮胡然而疑乎尙方俯靈波而凝睇兮開素鏡之耿光來君山伊咫尺兮宛青螺於中央沅潺湲而南下兮并淑流之汪洋辰綿緜其如綫兮酉水合而湯湯彼資永其右洞兮湛俄頃之滂潢左清潄入于溲澧兮會東澹之瀟湘佇徙倚以遐矚兮漫青草之蒼茫時周旋以旁眺兮渺赤沙而愴創悵帝子其不還兮空徘徊以辛傷查靈妃之安在兮思恍惚而飛揚須臾蛟龍糾其奔騰兮龍鼉翼而翱翔燕雀紛其伏匿兮鵬鷲並舉而頡頏挹塵氛之蕩滌兮幻仙嶽乎清涼日月代而出沒兮天地蘊其玄黃紀往昔余涉履兮延登

臨以遨遊比國步其多艱兮橫不維之方舟嘗激奮以勇裁兮
值中道而夷猶雖強娛以迫懼兮奚能免夫隱憂今湯網肇恢
郭兮紀綱於焉兆修一人穆嘉靖兮庶工咸休適清明躋閒暇
兮伊將何求偕同心以攀援兮樂吾生之優游烹蒲苳於鐫鏘
兮魚魚鱉於釜鬻佳人胥獻酬兮稚子爲余酌斟吹桓伊之弄
笛兮調伯牙之遺琴歌皇華舞白苧兮將寫余之初心念長夜
之漫漫兮忽達旦其噉噉恐祥霽之氤氳兮又淫褻其縹緲惟
天道突其冥冥兮信消息之漸漸諒復始之相尋兮寶泰否之
爻占固哲人之大觀兮羌炳照夫幽獨徵彩色於白賁兮聆希
聲於空谷歎萬物之難齊兮忝榮身而干祿意人生之不偶兮
巴陵縣志 卷之七十七 岳陽樓集上編 賦四

或隱咎於積福永顧慮以值回兮惕上帝之臨女抱棟慄於平
康兮何敢怠夫啓處世溷淪而莫憬兮出言若爲齟齬彼凡舌
之晏笑兮伊誰爲之誨語噫嘻白日奄奄其將暮兮仰鴻雁之
徂征僕夫駕言孔棘兮促吾儕之戒行閔踪跡之漂泊兮逐波
浪之浮萍聽孺子之罔覺兮歌滄浪之濯纓準前修之規矩兮
庶方圓之靡爭苟柄鑿之弗入兮終蹇劣而無成彼阮稽之放
弛兮又奚用夫逃形隨夷善道而固守兮垂不沒之令名